

سماح هلال

العرافة

سباعيات

الطبعة الأولى ٢٠١٧

سماح هلال

العرافة

سباعات

بطاقة الكتاب

عنوان المؤلف : العرافة
المؤلف : سماح هلال (عروس النيل)
التصنيف : سباعيات
رقم الإيداع : 23087 - 2017
عدد الصفحات : 86 صفحة
رقم الإصدار الداخلي : 75
تاريخ الإصدار الداخلي : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 58365
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣

الإهداء

— إليهما

وكليهما

واحد ..

أبي

و

زوجي

سماح

عروس النيل

مدخل

أنا جلية أمين زين و جلية أو شوش الودع
واطيب القلب العليل من كثر ما التوجع
عني على العاشق يا
ناس لو لسة بينخدع

العرافة

مغلوب على أمرك يا واد والشوق ملئ عينك
مجرّوح وبالعشق انكوييت ولا حد بيعينك
قلبك صحيح مكسور ومين كسره؟ ملاعينك!
لما انت مش قد الغرام كان ليه تروح بحره
وعملت واد عويم وكان نفسك تدوق سحره
وادي اللي نابك من الهوى مرمي على نحره (1)
ضيعت عمرك في الغرام واهو كله في سنينك

(1) نحره : نحر البحر

البخت مايل يا ولد والحن متشالك (1)
وان يوم تحاول تبعده تلقاه دا مشالك (2)
والفرحة جايه من بعيد ولكنها مش لك
طب أمتى تيجي فرحتك مع إنه دا حينها (3)
دا الدنيا دايرة بالهموم دايرة بطواحينها
معقولة همك والسنين هما اللي لوحنها (4)
كل اما هممت خطوتك البخت بيشالك

(1) متشالك : متشال لك (2) مشالك : مشى إليك

(3) حينها : وقتها (4) لوحنها : اتجاه اخر

كل الخطوط ف الكف دا ليه بس مش واصله؟!
باين عليها مقطعة عايزلها كام وصلة
لا باين لها كلمات ولا باين لها فصلة
حظك غريب يا دي الجدع ماشي معاك بالعكس
تاكس الفرحة عطلان واتاري الحزن يجي بفاكس
في الحلم تركب "همر" في الصبح تقلب تاكس
دا الخطوة عارجة يا ولد روح شوف لها مواصلة

حظك معاند خطوتك وخطوطه مش غولة
واضحك على نفسك وقول الدنيا مش غولة
كمل طريقك راح تشوف السكة معدولة
دا السكة لو متعتمة لازم ف يوم هتقيد
سيبك من اللي يعطلك وابعد عن التعقيد
والحلم لو صعب المنال غيره ف كف الأيد
قلوب كلامي واعقله تلقاه معقولة

خط السفر مفتوح يا واد,, أحسن هنا خليك
حرص ولا تخون من اللي بتحسبه خال ليك
واختار صديقك للطريق علشان يكون خِل ليك (1)
الدنيا حافلة لا تقسمك واهي تحتها حطاك
بتشد فيك وتحجمك وبعزمها مطاك
دا العلة مش فيك يا ولد لكنها محوطاك
حباك تملّي ف حُزنها ومن فرحها تخليّك (2)

(1) خِل ليك : صديق , رفيق الحياة

(2) تخليّك : اخلاء من مكان الفرح

سيبك من اللي ف يوم يخون ملحك مع عيشك
ومادام مابيهموش كمان تعبك و معيشك (1)
الخطوة بالخطوة معاك ماتقولش جبس وشك (2)
وانت اللي تدي له الأمان واتاريها منفعة له
يحفر لك البير ,, يسألك طب قول لي من فعله؟!
الحق قد قلبه بيضمُره ومادام بينفَع له
وعرفته من فعله الردي وانا كان معاي شك

(1) معاشك : معاش الحياة (2) جبس وهو الجص , وشك :

نشف , تجمد

الفرصة جاية بتناديك أوعاك تجافيهـا
هتروح لغيرك واتراضيه , عنك هيخفيها
خطوة ويمكن خطوتين تلقى الأمل فيها
الفرحة بتخبط عليك قوم يلا وافتحها
كل الخطوط متقفلة وخطك دا متاح لها
افرح يا عم وهيص كدا دا انت بترتاح لها
واسمح لها تدخل إليك ما انت هتكفيها

لعبت عليك يادي الجدع وبقيت محاسبتها
والكل ليك ناصح وانت ترد محاسبيها(1)
مش كل فارس في الغرام للفرسة ساحبها
قوم وانتفض وامسح غبارها من على جبينك
هتشوفها رايحة بقلبها ناحية محبينك
شيل أنتك ف حشاك يا واد ما في حد هيعينك
بيني وبينك دا الحنان قوي مخالبيها

(1) محاسبيها : لن اتركها

سَكَنَتْهَا فِي قَلْبِكَ , وَادِيكَ تَدْفَعُ فِي أُجْرَتِهَا
وَيَارِيَتُهَا دَامَتْ يَاجِدُعُ مَا تَقُولِي يَا رِيَتِهَا
كَانَ الْأَمَلُ أَوْهَامَ وَكَانَ الْجَرْحُ أَخْرَتِهَا
وَإِذَا هِيَ هَانَتْ عَلَيْهَا الْحُبُّ حَتَّى الْمَلْحُ وَيَا الْعِيْشَ
مَدَيْتَ لَهَا إِيْدَكَ وَكَانَ الرَّدُّ لِيكَ خِرَابِيْشَ
تَنْدُهُ لَهَا بِلَهْفَةٍ وَهِيَ تَرُدُّ لَأَوْ, مَا أَجِيْشَ
وَدَفَعْتَ بِالْبَقْشِشِ مَا دَامَ فِي عَيْنِهَا فَرَحَتِهَا

يا اللي الوجع صفاك وحيرت الأطبا فيك
والدمع في عيونك سكن ... خلى المنام مجافيك
والقلب نازف م الهموم ... عجبك كدا يرضيك؟
بالغدر قَسَمِتْ ضحكتك خلتها دمعاية (1)
وف كل مرة تتركك بتقول لي دي معايا
يا اللي ابتليت بالعشق هو الجرح لك غاية
سهم الهوى غدار يا واد لو يترمي ، يجي فيك

(1) دمعاية : دمعة , من الدموع , كناية عن الحزن

حظك ومن كفك وباين فيه دموع عينك
ماشي لوحذك في الطريق ولا حد بيعينك
وادي اللي فاكرهم صاحب , دول هما بيعينك
انت اللي بتقرب للناس بالخير اهم وعدوك
واما الظروف نشفت عليك ف السكة ليه عدوك (1)
مديت إيديك ولناس كتير , ولكنهم عادوك
صدقني لو ساعدوك أكيد آخرتها بيعينك

(1) عدوك : من التخطي , أي تخطوك في الطريق

ضحكت عليك يا حلو من سمحك ومن طيبتك
رسمت عليك فن الغرام واهو كله من خيبتك
وجريت ورا وهمك واهي ظهرت عليك شيبتك
هي وصاحبك ملعونين في الغدر اتقابلوا
وشربت من كاس الجراح وما ذقت من قبله
وان كان على جرح الهوى كنت انت يوم قابله
ويا ريتني دكتورة الغرام أنا كنت طيبتك

سبياك ورايحة لنـدلها وانت اللي بتعينها
وف كل مرة بتتركك وتروح لبيعنها
بايعة لأسرار الهوى ولا عمرها تعينها
ووقفت عنـتيل في الغرام لاجل اما ترضيها
إيه اللي نابك منها غير هجر أراضـيها (1)
أيوب دالو كان يوم هنا كان هـج من نـيها
وصبحت قصة في الغرام والخلق شـيعينها

أه يا دموع الورد فين راح تغسلي همك
ويا حزن بستانك عليكي و كل من لّمك
ملفوفة في السلوفان ورايحة للي ما يضمك
يا اللي جمعت الورد وهديته من فاتك
ما كفايا جرح وأه يا واد خليك في منفاتك (1)
واوعاك تميل يا دي الجدع تلقها لفاتك (2)
اخرتها جرح وهم و أأأأأه , محروق كمان دمك

(1) منفاتك : من المنفى . (2) لفاتك : درات بك : التوهه

الناس تيجي وتروح وبرضوا انت على حالك
وغرقت في بحر الغرام معجون في أحوالك
أيه اللي بدل سكتك ؟ مين اللي أحوالك؟
عمال بتسعى لقلبها مع إنها ريكلام (1)
في شهم يوريك الطريق والندل اهو لك لام
معقولة دي أفعال ياناس بالزمة دا اسمه كلام
كات كلها أو هام وإيه تتبدل احوالك؟

(1) ركلام : فتاة ليل وتعمل في صالات الرقص

طبعك غريب يادي الجدع حتى في أوجاعك
سهم الهوى غدار ياواد واتحالفوا أتباعك
فارد جناحك للبراح ولكنّه ما يساعك
طاير على جناح الهوى طب هو فين عشك
وبنيتهامام عشوش كتير والكل بيغشك
ووقفت فوق نخل الغرام صياده بيغشك
سهم الجراح نشك (1) خلاص والكل راح باعك

(1) نشك : أصابك

حال الوطن

مصر اللي تعبانة يا ناس ولا احنا تعبينا
ليه كل حاجة تكون غلط , احنا معيناها
ما احنا اللي خالفنا العهد بينا بقى وبينها
بنعيب عليها و العسل احنا اللي فيه نايمين
تعايين بتملي كرشها ولا همها من مين
بادعى عليهم يرحلوا ,, بادعى وقولوا آمين
وماليك عليا يمين خلاص كترت تعاينها

تسـلم ولادك منصـورين واقفـوا لأعـدائك
اتجمعوا وقت الوجع يشفوكي من دائك
هما كدا وقت النـدا يجروا على نـدائك
ولا همهم دول مين مادام السكة عارفينها
وادي الحياة فوق كفهم ولا يسألوش فينها
نادوا بحرية مادام اخرتها شـايفنها
بيقـدموها هـديتك لو كان شـفا دائك

مصر في حوارها تشوف علما وكتابها
جامعة وجمعت علمها .. زين مكاتبها
حتى التاريخ ,, في كتابه سجلها وكتابها
تمشي ف حوارى السيدة، تسمع صوت الدراويش
وحبيبة ويا حبيب كمان ماشين على الكورنيش
لابسة الهدوم متزينة ومتزوقة بكرانيش
وان قلت فين الوصف تلقى الوصف ف كتابها

طبلنا ياما كثير قوي , وغنينا ما تعبنا
وفرحنا بالاراجوز , وست الحسن , ودا عيننا
وفرحنا بالكورة , وبالاflam , طب فين متاعبنا
دا العقل مغسول يا جدع ماتقولش بالبرسيل!!
أبيض وزى الفل ، شوف، والله أحلى غسل
وبقيننا خاينين للوطن وفتحنا بابيه سبيل
ونعيب على حال الزمن والعيب ، طلع عيننا

مصر اللي ع الخرطة بتفتح للغريب بابها
وتقابله بالترحاب وتبقى ف صورة ما أبهى
واما تقوله سلام تقول بقلوبها والبابها (1)
هى كدا شيمة الكرم بين أهلها وناسها
بتمد إيدها للغريب يجيي يأنسها
يلقى الهرم والنيل كمان ، وقمرها وناسها
يقعد يجالسها ويبقى ضمن أحبابها

(1) البابا : مفرد لب، وهو العقل ،، بالحب والعقل

مصر الجنود فوق الحدود واقفين بإيمانهم
ف الشدة يكونوا أسود ولا تعرافوش من هم
عفاريت في وقت المعركة ماتقولش دول منهم!
وان حد ميّل بالأذى على مصرهم، عادوا
ولا في سدود بتحوش وحوش بالروح اهم عدّوه
في الحق سال ياما دمهم ولكنهم أعادوه
أصل الوطن بيحبهم على روحه آمنهم

دنيا الغرام

الحب مفهومه اختلف بقى للأسف معدوم
اكثر ما فيه ضحكة وخلص، وتباهي لو بهدوم
مفهوم يا عم المحترم ما ترد لو مفهوم
دا الحب دنيا مكذبة ولا تملئ كفاتك (1)
اصحى لنفسك وابتدي وبلاها من فاتك
وارسم مشاعرك على الورق والباقي لحياتك
دا الحب حاله بيتقلب ولا عمره ما بيدوم

(1) كفاتك : المقصود الكف

حببت جنوبي والجنوب طول عمره رجالة
في الاولة أنا قلتها ، وبأقولها بعجالة
القلب مليان بالوفاء وف الشدة خيالة
دا لقيت معاه أممي يا ناس بعد اماتاه أممي(1)
وفرشت له قلبي حريير ولاقيته تاه مني
واكمني حببت وبضمير ، بالجهل تاهمني
دا انا مها اجي ولا اروح ، محاوطني بخيالاه

(1) تاه اممي : ضياع الامن

أسمر حبيبي والسمار حبيبي بزيادة (1)
 قبله قفلت الباب سنين وما شفت زياده (2)
 ف غنيه بحس بدنيتي والـزاد وزوادة
 الكلمة من قلمه بتطلع حامية حد السيف
 وان كان على الاحساس ياهووو عايم بلا مجاديف
 " فارس لأحلام القصيدة " (3) بدون كلام ولا زيف
 وان كان على التعريف خلاص أنا قلته بزيادة (4)

- (1) بزيادة : كثير , أو بالقوي (2) زيادة : زيه ده , مثله
 (3) فارس لأحلام القصيدة : من القاب عمرو المصري
 (4) بزيادة : بكفاية

هو حبيبي وبأيديه يفتح شـبابيكي
 ميّل وقالي كلمتين قلبي شباب بيكي
 وعينيا بصواله ياناس سألوني ايش بيكي (1)
 الاسم مصري وهو عمرو لشطه عدّاني (2)
 وعشان بحبه بالقوي في غيره عاداني (3)
 الفرح عارف سكتي أبداً ما عدّاني
 وازي هينساناني وقال شـبابيكي لبـيكي

(1) أيش بيكي : ما بكي (2) المقصود عمرو المصري

(3) عاداني : من العداء

سألوني عن دنيا الغرام وجروحي منعاني
أنا سبت قلبي بمرتوي م العشق بالعاني (1)
ولاقيتني في بحر الهوى والموجة بلعاني
وظلعت مجروحة وكان جرحي من الداخل
ولا عاد في قلبي مكان لمين خارج ومين داخل
لا عرفت دا خان العهد ولا يكون ده خل
والعشق أصبح خل و احنا ف دنيا بنعاني

(1) بالعاني : بالكذب أو يتوهم العشق

واهو كل قصة ف الغرام ليها مخاطرها
عنتر عشان عبلة وراح ، سافر لخطرها
وادي قيس في ملك الله سرح وفي عقله خاطرها
واحنأ في قصتنا كلام أصعب من السكين
وفتحنا ياما الباب لناس وياريتنا ليه ساكين
والحبيل كان راح ينفلت لولا اننا ماسكين
وادي قلبنا المسكين تعب من كتر أخطارها

مستني إليه من قد هم بعد اما قلبك فاز
منك وياما اتعلموا غيباً وع التفاز
دا انا كنت باسمع كدبهم قالوا عليك الغاز
ولاقيتني بسألني سؤال ، طب ليه يقولوا عليك ؟
مع إنك الألفا وتساهل نقول معاليك
ولاقيتني حبيبتك قوي والقلب ملك إيديك
والنظرة جوه عينيك حياة ، وحياتي بيك انجاز

فـزورة , هـاتلي حلها ودا كله بالإمكان
دا قصايدته تطرح مفردات ولا زيها ماكان
والحل دايمًا بتلاقيه ف قصيدة الزمكان (1)
الاسم مصري وبأيديه يغزل مشاعرنا
من شعره علمنا ومن كلماته بيعيرنا (2)
مريدينه ياما كتير وحق يقولوا شاعرنا
دور ف قلبي هتلاقيه و ف قلبي أحلى مكان

(1) الزمكان : قصيدة لعمرى المصرى (1) بيعيرنا : أعار الشئ ,

اعطانا منه

النخل باصص للسماء ليه بس مسكينه
ويجيبوا ليه ف سيرته مادام شباكه مسكينه
يعلّى صراخه من الوجع مش لاقى تسكينه
دا الكل غاوي المنظرة ويقول انا وهبته
وادي العيون متجمعة بتبص لوهيبته(1)
كان نفسهم لو يوم يميل وتضيع معاه هيبته
دا النخل لو يوم ينحني تكثر سكاكينه

(1) لوهيبته : وهيبة , كناية الاغنية (تحت السجر يا وهيبة)

تعبان يا قلبي والتعب من قد إيه دا معاك
والجرح نازف، والعيون بتحب ليه دمعاك (1)
عمال تئن من الوجع وانا ليل نهار سمعاك
دا الحمل فوق كتفي جبل ، خيفة ف يوم انهار
سبيك من اللي بيوهمك بالحب ليل و نهار
ومعشتمك إن الحياة منها العسل أنهار
أوعاك تآمن مكرهم ،، وبحذرك،، أوعاك

(1) دمعاك : من الدمع، دمعاك

صندوق الدنيا

أصعب جروح لما تجيك من حد من أهلك
وانت اللي قدمت بإيديك وما حد يستهلك
كل القلوب متغيرة وفي منها مستهلك
تمشي وراها وانت فاكر انها بتهديك
دايماً بتسرق فرحتك ولا عمرها بتديك
أوعاك تفكر يا جدع للفرح يوم تهديك
هى اللي هتخليك ورا ، وتتمنى يوم تهلك

ولا عاذف حنية زمان ولا حب مجاني
حتى الكبير يوم زنقتي ناديته ما جاني
لا ف يوم يهيم بخطوته ولا حتى نجاني
اخوات بتاكل بعضها جهراً وع المكشوف
وان جيت تسجل مكرهم راح تملى منه كشوف
دا انا شفت ياما منهم وانا لسه ياما هشوف
أوعاك تأمن للقريب ليكون هو الجاني

الدنيا والحظ العثر الاتنين ما راحمني
كل اما يبجي الفرح .. ألقى الفرح راح مني
واللي حصده في دنيتي تاخده الريح مني
هى كدا الدنيا يا ناس تيجي على الغبان
واللي افكرته لي سند وباقول أهو الغالي بان
أتاريه مداري قسوته وف القلب غل وبان
بيمد إيده بشرها وانا فاكرة حاميني

كان نفسي أحاسب دنيّتي وأبقى محاسبها
دا الفرحة لو جاتني ف يوم أحلف محاسبها
واضحك وأقول ، مابقيت خلاص أنا من محاسبها
والعن أبو الحظ الردي ، ماهو ماشي في كعابي
ماهو ياما علّى ف الخسيس وجه عندي قال عاب بي(1)
وان كان على الحزن وما فيه أنا في الشوال عابي (2)
وكسرت العابي مادام عمري ماكاسبها

(1) قال عاب بي : يعيب بي ، اظهر عيوبي (2) عابي : اعبي، من
التعب

في وشوش بتتركب خشب والقلب جبس وشك
طبع الخيانة في دمها والمكر ويا الشك
منها الخسارة مكسبك والبعد أهو أوشك (1)
ابعد بنفسك وابتدي لسة الحياة فيها
واختار صحابك في الطريق لازم تصفيها
مش بالعدد تلقى العهد ف ناس بتوفيهما
ف الضهر بتقول الوحش والحلو في وشك

(1) أوشك : حان

معايير حياتي اتغيرت ألوانها واشكالها
وقلوب صحابي اتلوننت والحق قد شكّلها
وأخويا واكل فرحتي ،، ما عرفش ليه كلها
واهلي وناسي للأسف بالرخص بايعني
يا يكون مصيري بيدهم، يا يبعدو عني
وحدي كدا ، أحسن أعيش والمولى بيعني
فاكريني لقمة حنيّة بتتأدي أكلها

الدنيا ليه جايه على دماغي بدون فاصل
فاكراني في الاحزان وف الافراح ماليش واصل(1)
الفرح تاهت سكته وان جه ماهوش واصل
دا الدنيا بحر غريق وبخته اللي يكون عوام
يظهر ف حالة سكن هادي لكل عوام
وانا اللي بختي قليل يا ناس وغرقت فيه أعوام
أجمعها، أطرحها، بيطلع هم ،، و دا الحاصل

(1) واصل : أبدًا

الدنيا ساقية يا محترم وانت تلف فيها
تاخذ ما تاخذ وبإيديك انت تلافىها (1)
واما بتغدر يوم عليك ازاي تلافىها (2)
دا النخل لو تطاطى لريح ما في حد بيريده
ولا تمر يستنى عليه ويحق تجريده
معقولة يعيش النخل من غير خوصه وجريده؟!
دا البذرة ماتصحش مادام السوس تلف فيها

(1) تلافىها : تعطيها (2) تلافىها : يتجنبها ويبتعد عنها

هو وهي

مالك ومال صنف النساء اللي الزمن هـدك
وعملـي فيها واد بورم ما تشيل على قدك
معدود على صنف الرجال طب قولي مين عدك
ماشي تلسن بالكلام وزهقنا من وشك
دا انت يا دوبك رمش عين تيجي على وشك
دبور وزئيت حضرتك ساعي لخراب عشك
صبرك ،، هخليك لعبتي وتمشي على يدك

بتقولي طقيت من النسا وانت اللي ياما بكيت
دا انت خميرة عكنة وحريقة جوه البيت
وشيطانك الحاضر أهو ،، نادى وليه لبيت
جمع قرايبك كلهم جابهم واهو جبه لك
واتفرجوا العزال وجبيت العار يا واد لاهلك
طب قولي هعمل إيه معاك وانت على جهلك
دا اصغر مافينا تكلفتك وتعلقك ع الحيط

ان كان على كيد النساء عمره ما يعنني
لملم تعابيك يا واد وبلاش تلاعنني
وان كنت فرحان حضرتك علشان مغلّبي
شوف التاريخ ، قال عننا وانتم ولا حاسين
زينة البنات دي مدرسة وانتم هنا حاسين
ما حناش كماله للعدد يا اللي انتوا مش حاسين
خليك مع المشيين يا واد ، عمرك ما تغلّبي

صوتنا اللي بتعيننا عليه ياما هز احساسك
ياما كنت تتمايل عليه يعدل معاه راسك
منا اللي الكلثومي ياواد واسأل كمان ناسك
طب شوف كدا مين يسمعك واقعد ف أوكارهم (1)
تلقى اللي زيك يعجبك باهت عليك كارهم
مستحلي صوتك بالأوي مع انه انكرهم
كل اما تلبس بردعة تيجي على مقاسك

(1) أوكارهم : مفردا وكر , وهو مكان

بيني وبينك كلمتين ،، مين غيرنا ينفع لك
يا ابني الأدب قبل العلام لو كان هينفع لك
وفاكرها يعني فهلوة واهو كله منفعة لك
عمال بتشتتم ف النساء واحنا اللي جايينك
أمك ،، وأختك مننا ومكتوب على جبينك
كل اللي قاعدين مننا ومنهم محبينك
هيطلعوا عينك يا واد ،، ودا كله من فعلك

الكلمة صبحت كلمتين وعرفت تتكلم
وعاملي راجل حضرتك ،، روح قابلية واتعلم
معنى الرجولة حضرتك مش هلس يا معلم
لو كنت راجل ف الأساس ، ما تشكي من نسوة
وان رحى في سوق الرجال والله ما تسوى
اخرى سيجارة وضحتين ومعاها كام كسوة
وفي كل حفلة هغلبك وعليك انا معلم

ان غبت عنه لو ساعات بيقول سابتني يومين
وافضل أحاياله وهشتكه يحلف عليايمين (1)
طب شوفوا حل يا ناس يا هو أشكي واقول يا مين
أعمله من الأصناف كتير يذغدني ف جنابي
ياكل وكرشه بيتماي ويـبص لمنابي
وإيديه تلوش في الهوى كسر كمان نابي
أصل البعيد أحول يا ناس عنده الشمال ف يمين

(1) يمين : قسم

بتلوم على كيد النسا ،، طب ما انتوا ليكم كيد
واصعب ما فيكم طبعكم والغدر فيكموا اكيد
النُص غاوي العكننة والباقي م المناكيد
طب قولي مين هيصدقك في كلام بلا معنى
وان قلتة يرفع شأننا وكمنا يلمعنا
وفي ساقية الصاوي الحكم ماتقول وسمعنا
ولا انت مكسوف يا بطل ودي حاجة بالتأكيد

وحماتي آه منها ياناس سـ حنتها مقلوبة
تقعد على العتبة وتقول: طوبة على طوبة
تدعي عليا في سرها،، خليها منصوبة
واعمل بأصلي واحبها ورصيدي مجاني
حتي ابنها تحكم عليه وعشانها ماجاني
وتدور وتسال ف الدروب مين فينا كان جاني
جنت جناني والنبوي وعلى أمري مغلوبة

راجل يا عيني قال شباب وتشوفه م المعاشات!
حتى الزهايمر يشغل وشوية م الرعاشات
في البيت على الدش تلاقية مشغول مع القفاشات
وشوية بشوية كمان تلاقية يا عين بركة
الكرش منقوخ للأسف ممنوع من الحركة
واخذ على القعدة وحتى الشغل ليه ترك
علقت له الفلكة ما ناسي قعدته ع الشات

دكتور في شغل الحنجلة وواخدها باعماله
هو رئيس الأبلسة والكل أعمى له (1)
ابليس يا عيني عليه يا ناس من ضمن عماله
أستاذ فراغة العين كمان واتاريها دي عادة
واهو كل مرة بينضرب ،، وارج له ف عيادة
فكرته اتعلم خلاص عن فعلته عاد
وعملها بإعادة يا هو واخرتها ضاع ماله

(1) أعمى له : الكل ماش وراه

يمشي بـريشه ويتنفش عامل فلانتينو
والكبر واخده والغرور ناسي أصول دينه
إيه اللي نابني والنبي غير بس شوك تينه
للغرب يضحك بالقوي وف البيت قالب بوزه
ويسبني طقة بفرستي وياكل كمان بوزه
يؤمر وينهي حضرته عايز اللي بيعوزه
واعوذ بالله يا شيخ أنا عقلي كان فينه

راجل مصاحب حضرتہ وفاکرہا حبیتہ
عمال بیصرف بالہبل وعشانہا ساب بیتہ
واما الفلوس خلصت یا ناس رمتہ وسبیتہ (1)
ہی الرجولة بالكلام ولا احترام الذات
ما هو كل بيت ليه حرمتہ ايش حال بيتك بالذات
طب خدت منه إيه يا واد ماشيك ورا المذات؟ (2)
ما بلاها وزات الشيطان غيرك خرب بیتہ

(1) وسبیتہ : من السب , الإهانة الشتيمة

(2) المذات : كلمة شائعة تقال للنساء الجميلات

عمال تهلفت ف الكلام وانا صبري بيعد لك (1)
كلمة وقالوها زمان وانا برضوا بيعد لك (2)
"برة وجوة فرشتك والفرع مال إيه يعدك"
صنفك دا عمره ماينعدل لو حطوا ميت قالب
وعملت قال سبع السباع ،، تعملي في مقالب
ف الصبح ضحكه وكلمتين ، ف الليل تكون قالب
والطبع غالب والكلام عمره ما هيعدك

(1) بيعد لك : من العدد أي يحسب له الأطاء

(2) بعيد لك : من الإعادة , يعيد عليه الكلام

ما تقولش منهية يا واد دا انت اللي رحت بلاش
والعيبة لو طلعت من اهل العيب ،، ما بتعبناش
دا احنا بنات البلد ووقفنا ما تعبناش
لو كان كلامك يتوزن ما يسوى حتى صفح
عمال لسانك يتلوي وعملني فيها فصيح
ديك البرابر حضرتك واقف كمان بتصيح
ملعون أبوه العيشة معاك ،، لو دنيتك تتعاش

(1) الكبة : آلة للتقطيع

ما تلم يا ابني الدور خلاص وتعالى نتصالح
ما كفاية من طويلة اللسان دا ما عدش ف الصالح
وانا وانت برضه هنالتقي ما هو بينا فيه مصالح
— ان قلنا يعني الصلح خير بامد لك ايدي
وان كان على كيد الرجال ملعون أبو كيدي
دا احنا مسيرنا لبعضنا يا لمبتي ايدي (1)
ايدي على ايدي ما دام اخرتنا نتصالح

(1) ايدي : يشعل المصباح كناية على انها مصباح حياته

الشاعرة فى سطور

الإسم: سماح ابراهيم محمود هلال
أسم الشهرة: سماح هلال

- حاصلة على بكالوريوس خدمة اجتماعية
- عملت بالتدريس خمس سنوات
- عضو نادي أدب المرج
- محاضر مركزي لدى قصور الثقافة
- مدير صالون همسات هلالية الثقافي
- المدير التنفيذي والمنسق الاعلامي لفريق نجوم المحروسة
- مقدمة برنامج قهوة سيتي بقناة كنادوول السودانية
- مدير العلاقات والمنسق الاعلامي لصالون مصر اليوم الثقافي سابقا
- مدير العلاقات العامة بفريق طموح للكنوز البشرية سابقا
- أول سيدة مصرية تكتب بفن الموالم الثلاثي
- كتبت بفن الموالم والمربعات أو مايسمى بفن الواو
- وهي فنون تراثية تميز بها أهل الجنوب بمصر
- شاركت بأغنية (رمز العزة) بمسابقة أجمل أغنية وطنية
- لعام 2014 لقصور الثقافة

- أول سيدة مصرية تكتب أوبريت درامي غنائي راقص عن أهل النوبة واسوان وتم اعتماده بوزارة الثقافة
- طبع لها ديوان 1- طرح الوجع
- 2 - الولد الحاوي

محتوى الكتاب

م	المحتوى	الصفحة
1	بطاقة الكتاب	5
2	الإهداء	7
3	مدخل	9
4	العرافة	11
5	حال الوطن	29
6	صندوق الدنيا	49
7	هو وهى	59
8	الشاعرة فى سطور	78
9	محتوى الكتاب	80

إصدارات
دار النيل والفرات
للنشر والتوزيع 2017



م	عنوان الكتاب	إسم المبدع
1	ترتيل البوستات الصباحية لأنواع الحب ج. 3	ناجي عبد المنعم
2	ترتيل البوستات الصباحية لأنواع الحب ج. 4	ناجي عبد المنعم
3	العفريّة الشقية	ناجي عبد المنعم
4	المختصر المفيد في سيرة أهل بيت الحبيب	د. عبد الحليم هندواي
5	في حب الله وعشق الأوطان	د. عبد الحليم هندواي
6	طمي لا زبد وعبر للأبد	د. عبد الحليم هندواي
7	أبو الطيب المصري (ج. 1)	عبد الله الشوربجي
8	أبو الطيب المصري (ج. 2)	عبد الله الشوربجي
9	أبو الطيب المصري (ج. 3)	عبد الله الشوربجي
10	أبو الطيب المصري (ج. 4)	عبد الله الشوربجي
11	أبو الطيب المصري (ج. 5)	عبد الله الشوربجي

12	أنين الروح	جيهان عبد الرؤوف علوان
13	همسات	السيد صابر
14	أشجار الخوف	رضا ابو الغيط
15	الحلم بيكبر	رضا ابو الغيط
16	أشكرك	رضا ابو الغيط
17	أكفان الخوف	رضا ابو الغيط
18	تباشير الصباح	رضا ابو الغيط
19	وتر البكا	سمير موسى
20	مذمن ضرب	سمير موسى
21	بيعدوا أملكى	علاء الدين على
22	مشاكسات إبداعية	أسماء فريد
23	عن التواصل الأدبي بين الشعوب	د. يسرى عبد الغنى
24	حميسة	عبد المنعم شرف
25	نبضات أنثى بلا وطن	تهانى فؤاد
26	أميرى	أسماء فريد
27	جدلية التحول بين التمرد والانتماء	ناجى عبد المنعم
28	رباعيات	ناجى عبد المنعم

29	الأعمال المسرحية الكاملة (الجزء الأول)	ناجى عبد المنعم
30	أبو جلمبو فى كوكب المریء	ناجى عبد المنعم
31	حاملة الورد	د. عبد الحليم هنداوى
32	إنكسار حرف	محمود هليل
33	محاکمة ميت	ناجى عبد المنعم
34	حرفین وجع	منى الغريب
35	مین یسامح مین	سميرة محمودى
36	إهدى علیا	سميرة محمودى
37	یاریت نحبك	السید محمد صابر
38	الدنيا حالها كده	السید محمد صابر
39	ترنیمه لأنواع الحب	ناجى عبد المنعم
40	كان بینا إیه	سميرة محمودى
41	لا تذكرینى	سمیر حمایة
42	مسرح خیال الظل	سمیر حمایة
43	أكبر وهم	محمد الفلكى
44	حب الوطن	محمد الفلكى
45	صمت المشاعر	محمد الفلكى

46	نويت أرحل	خالد أحمد عبد السميع
47	همسات قلب سجين	انتصار عرابي
48	حكاية عمرى	نبيل نجاح
49	مشاعر	مسعد سليم
50	شارع سيدى لاشين	محمد سغفان
51	مناجاة عاشق	عبد البديع النجار
52	بدون مونتاج	محمد السيد سعد
53	مساجلات شعرية	ناجى عبد المنعم
54	حرب بلا راء	مشارك
55	ماتشيليش يامّه الصيوان	صبحى بشاى
56	الليلة الأخيرة	عبد الإله الديب
57	أوتار الحروف	حسن حمدي البيوميه
58	شاطيء هواك	حسن عبد المنعم
59	منتهى العقل	محمد البنا
60	مجرد حلم	خالد عبد السلام
61	همس الفرسان	مشارك
62	سلسلة إبداعات أدبية (قصص)	جمعية إبداع الثقافية

حسن الأقصرى	كروان بلا لسان	63
جمعية إبداع الثقافية	سلسلة إبداعات أدبية (عامية)	64
جمعية إبداع الثقافية	سلسلة إبداعات أدبية (فصحي)	65
أحمد حلمى	جدران الماضى	66
عز أحمد الكريمت	العمر عدى وفات	67
د. مصطفى يسرى	عمل المرأة فى ظل التحديات الإقتصادية	68
وليد المصرى	مين حبها قدى	69
ناجى عبد المنعم	أزجال ناجى عبد المنعم	70
عبد الحلیم الزلوعى	الشيخ العاشق	71
رمضان محمد سليمان	كلام فنجان	72
نهى يسرى	العفارىت لن تسكن المدينة	73
كريم الحجيرى	نسه باقى	74
سماح هلال	العراقة (سباعيات)	75
محمود محمد صابر	صندوق خشب	76

أرجو أن أكون
قد قدمت لكم
ما يليق باحترام
عقولكم وقلوبكم
أيها الأحباب

سماح هلال